

SEBASTIANI SEBENICO

FOROJULIENSIS

DISSERTATIO

PHYSIOLOGICA,

*Qua respiratio fetus in matrice ex  
eventu nupero evincitur esse  
nulla.*

---

---

---

V E N E T I I S

MDCCLXV.

---

T Y P I S C O L E T I .

S U P E R I O R U M P E R M I S S U .

THE UNIVERSITY OF CHICAGO

LIBRARY

1955

1955

1955

1955

1955

1955

1955

1955

1955

MATRONÆ PRÆNOBILI

CATHARINÆ

BARBADICO

SEBASTIANUS SEBENICO

F.

**T**anta sunt animi ornamenta, ac  
dignitatis insignia, quibus emines no-  
bilitata, MATRONA AMPLISSIMA,  
ut nunquam mirari subeat observan-  
tiæ erga Te summæ congesta undique

\*

te-

testimonia prodire. Porro præ ceteris  
exstat, & suspiciendus est favor ille,  
quo litterarias res excipis, earumque  
latius explicandarum cupiditate flagran-  
tes erigis: ac sensu Tuo eximiis ar-  
tibus expolito ea premi cogis, quæ  
impiger, improbusque labor non eli-  
marit. Præstantissimæ virtutis hujus  
specie mihi obversante perductus sum  
ad nuncupandam, inscribendamque il-  
lustri Tuo Nomine disputationem banc  
meam, quam typis exstare lubet, &  
cui solum judicium Tuum non seve-  
re quidem, sed benigne latum tanto  
esse potest honori, ut non opus ipsi  
futurum sit aliunde corrogare suffra-  
gia. Occasionem differendi arripui ex  
successu novo, cujus ab historia  
tradita illud patefieri moneo, quo  
val-



valde retruso antea ac dubio torque-  
ri se hactenus ægre tulerunt Anato-  
mici disciplinæ suæ limites præter-  
gressi. Alia etiam attigi, institutæ  
orationi oblata sponte causa, ad idem  
doctrinæ genus pertinentia, quæ licet  
imperfecta videantur, præcipua tamen  
rerum capita complectuntur. Non hic  
excolendarum artium desinam, sed ala-  
crius assequar devota Phæbo pectora,  
si leve hoc officii studiique mei speci-  
men à Te probari sensero, NOBILIS-  
SIMA MATRONA, cujus humanita-  
ti non infrequens esse solet sui expro-  
mendi locus.

**P**ostidie Kalendas Septembris proxime elapsi  
hora ante Vesperam tertia intra hujusce meæ  
D. Marci Parœciæ fines in lucem prodiit infan-  
tula altero lumine carens, nec non ore expers  
& naribus, aures habens inferius, quam esse  
solent, circaque mentum rubicunda; quæ lucis  
ipso in limine satis indubia vitæ exhibens ar-  
gumenta unda Sacri Fontis abluta e vivis con-  
cessit. Atque hæc me infrascriptum his vidisse  
oculis, & jurisjurandi religione interposi-  
ta obtestor

Mich. Angelus Salvetti  
Plebanus S. T. D.

Datum ex Edibus Parochialibus S. Marci Evan-  
gelistæ Corbulonis Idibus Octobris A. 1765.

# DISSERTATIO

## PHYSIOLOGICA;

**Q**Uæ de scientia corporum comparanda tradidit superiore sæculo Galilæus hortatus ad usum sensuum tamquam naturæ nuncium, ea etiam ad disciplinam salutarem, cujus objectum deliberatio quædam est systematis universi, traduci possunt. Siquidem ut in priori ablegatis opinionibus, in earumque locum observatione suffecta certæ leges innotuerunt, ad quas referri possent effectuum quæque genera, ita partium multiplicium, ex quibus hominis structura coalescit, perspicientia & evolutio novam inducere lucem iis, qui œconomix animalis indagini sese penitus addixerunt. Hinc videre est Physiologiæ tractatores eo subolere melius veritatem atque rationem, quanto fidelius utuntur Anatome ministra. Ab ea doctrina fermentationes, sympathiæ, aliæque hujusmodi facultates omnes, quas commentum erant veteres, ut docerent originem fluidorum omnium, quæ ex sanguine varias ad partes allabente gignuntur omnino



varia, exularunt postquam cordis fabrica, vis, & actio, circumeuntis jugiter sanguinis inventum, arteriarum ortus, robustæ tunicæ, præditæque elaterii vi non exigua, ipsorum viscerum structura expensa causam ostendere certam secretionum quarumvis, quæ sola natura duce in humano corpore administrantur. Sed ut ut, faciem allucente fabricæ intellectu, doctrina de usu partium longius ac melius promota fuerit, haud tamen singularum munera detecta sunt. Siquid autem in re aliqua plane obscura temere pronunciatum est, capta aliquando pericula pessumdant opinionem. Contra vero accidit non nemini dubias res, quæ investigatione magis, quam præmaturo iudicio tractari solent, miris interdum decernere, ac nosse modis. Sic avulsis de industria ex bruto nonnullis ex visceribus, vel etiam iisdem læsis in ipsis hominibus inflicto vulnere, num utile modo, an vero vitæ omnino necessarium sit viscus aliquod, deprehensum est, ceterisque paribus, vel secus admodum sese habentibus, in proclivi positum est internoscere, num diverso, vel excogitato munere fungeretur. Perturbationem hanc ordinis, numerique partium imminutionem, quibus excitandis industrii homines incubuere, ut inde quæsitæ veri-



tas elucesceret, non semel & ipsa natura induxit. Quare ex iis etiam rebus, quæ nullam præ se ferunt pulchritudinis speciem, sed tamquam imperfectæ & informes omnino negligendæ videntur, diligenter expendis utilitas, quod ad scientiam attinet assequendam, exoriri potest longe maxima, quemadmodum palam fiet infra de monstro quodam recens in lucem edito, cujus historia sequitur accurata.

Die secunda Septembris, anno hoc labente septingentesimo sexagesimo quinto supra millesimum, Corbulone, quod rus ad Forum Julii pertinet, & proximo Liqueñtiæ flumine sejungitur a territorio Tarvisino, mulier quædam ignobilis intra tempus legitimum & ordinarium enixa est puel-lulam ab alta quidem thoracis parte ad imos usque talos optime fabrefactam, sed instrumentis sensuum præstantissimis partim carentem, partim vero deformiter instructam. Ipsa potissimum structura capitis abnormis erat & insolita, quia superficiem exteriorem non bene convexam in conspectum dabat, sed os quidem occipitis omnino planum, parietalia autem ossa, sincipitis quoque dicta valde elevata; os demum frontis seu coronale in media sui parte tubere non exiguo ac duriusculo designatum. Auriculis

riculis aderat figura naturalis, cum nec lobulus deesset, nec Helix, aut Anthelix, Tragus, aut Antitragus, nec quidquam aliud: mediam autem & intimam aurium partem introspicere non erat. Hujusce organi tametsi numerus & figura externa cum ceteris humanæ speciei animantibus ad unguem convenirent, situs tamen inusitatus erat, & singularis. Adhærebat enim auris utraque hinc inde tertiæ trunci parti, seu collo, penes eminentiam posteriorem maxillæ inferioris. Unicus exstabat oculus, isque ibi affixus, ubi radix nasi sita est in aliis, figura fere globosa præditus, supercilio, palpebrisque duabus, aliisque partibus externis omnibus absolutus, ac sponte patens: neque absurdum esset suadere sibi latuisse alium sub media frontis elata parte, quæ digitis admotis globum quemdam exhibebat mole ac renixu bulbi ocularis æmulum. Deerat omnino organum olfactus, faciei que pars ab ipso occupari solita glabra erat, & nullibi delineata. Maxillæ porro ambæ arcte inter se nexæ, atque in unum quasi corpus concrevisse videbantur, cum non altera ab altera removeri posset, neque id experiri liceret immisso cuneo in buccam, quæ nulla erat. Mentum operiebat macula quædam colore notanda rubro, lati-



latitudine perangusta, pariterque longitudine duos præter propter transversos digitos exæquans, foraminis cujuslibet ut ut exigui prorsus expers. Partus hic certe singularis prodiit, ut alii solent, statim ab ipso exitu indicia vitæ exhibens indubia per repetitos motus, adeo ut subierit ab obstetrice lavacrum expiationis, antequam oppetierit; quod paullo postea fecit lividis maculis in extrema superficie ubique infectus. Afferendi monstrum hoc mihi cupido tempestas obstitit intempestive fervida, quæ putredinem induxisset, antequam adire potuissem Viros summos, qui salutis injuriis avertendis providentissimo consilio præsunt. Atamen sola consideratio descripti corpusculi nos quodammodo manuducit ad eliciendam veritatem aliquam non inopportunam. Ducat spiritum fetus in utero, nec ne, semper dubitatum fuit, & adhuc, ut neminem fugit, sub judice lis est. Etenim membranae plures ipsum fetum quasi in ovo includentes in causa fuerunt, cur nonnulli nihil omnino aeris in iisdem contineri arbitrati sint. Horum sententiæ suffragatum est captum deinceps de viscere respirationi destinato experimentum, quod ostendit pulmones ex non natis eductos injectos aquæ fundum petere, & ex adverso. Cujus quidem



dem discriminis non alia esse ratio visa est, quam quod in pulmonibus fetuum, qui semper collapsi & nigricantes reperiuntur, nullus sit aeris dilatantis alternus motus, qui perennis in adultis horum pulmones superficie augeat ita, ut aqua fiant specificè leviores, ideoque aquæ immersi ex Hydrostaticæ legibus innatent eidem fluido. Demum humores etiam jugiter expressi a membranis duabus, Amnios & Chorion dictis, & præparatio sanguinis perfectissima in materno corpore ansam dederunt ad existimandum interdici fetui respiratione in utero tamquam fieri impote, vel supervacanea. Contra vero, perhibente non nemine præmortuis matribus exiisse vivos infantes adjutos arte chirurgica, colligere inde posse sibi visi sunt alii cieri pulmones fetuum reciproco illo motu, qui, si solus esset in matre, semel in ea interceptus illico ipsis etiam animam interclusisset. Favet opinioni huic tanta respirationis necessitas ad vivendum, ut motus ille præter alios pro vitæ indice haberi soleat. Quare Dantes Alighierius naturæ pictor eximius, cum adiisset, Virgilio duce, manes inferos, viventem se ipsis admirantibus patuisse ait afflatu fistulæ spiralis. At quantumvis habeant ponderis ea momenta rationum, quæ  
de

de re ancipiti inclinant ad affirmandum, rem ipsam contrario modo se habere novus hic eventus non solum monstrat, sed omnino demonstrat. Neque vero nunc primum accidit, ut opinio, quam verisimilis fulciebat ratio, convellatur a facto quopiam, sed sæpe alias. Id ad ostendendum multa præsto esse possent non uno ex fonte petita exempla: sed, ut vineta cædamus nostra, satis est sibi ponere ante oculos ipsum uterum, qui cum graviditatis tempore valde dilatetur, tantundem tenuior fieri putandus esset. Corpus enim animatum simul ut ad maximum sui incrementum pervenerit, nihil quidquam excrescit; secus enim augeretur in infinitum. Præterea autem si uterus in gravidis mole & crassitie cresceret, nutriente fluido ipsi esset opus, ideoque duplex a matre dispendium sanguinis subeundum esset; quod tamquam improprium & grave nimis ipsa ratio rejicit. Hæc fortasse perpendens vir non expers doctrinæ Mauriceau in suo de morbis mulierum gravidarum inscripto opere & idiomate Gallico exarato disertis verbis affirmat uteri substantiam in gravidis tenuiorem fieri, quam in non gravidis: fieri quippe non posse, ut ultimis præsertim gestationis mensibus tantopere  
exten-



extendatur, quin crassitie minor evadat. Denique affluxus sanguinis ad uterum, qui magna copia fit tempore partus, crassitiem aliquam, siquando deprehensa est, gignere fortasse potuit, ceteroquin extra tempus illud omnino nulla esse videtur. At tantus doctrinæ apparatus haud quidem negotium faceffit veritati contrariæ, cum Laurentius Heisterus mulieres perplures vario tempore graviditatis morte præreptas exploraverit, inspectumque uterum nunquam solito tenuiorem nactus sit. Immo vero non idem modo deprehendit etiam De-venterus, sed interdum repertus est uterus crassior in gravidis, quam in mulieribus, quæ nullum gestabant fetum; atque experimenta hæc prorsus indubia placitum ut ut verisimile exterminarunt. Haud ab simili modo partus hic recens admirabilis de medio tollit opinionem de respiratione fetus in utero, tametsi pro ipsa tuenda nonnulli veluti pro aris & focis dimicarint. Cum enim deessent illi foramina ambo, quorum alterutrum inspirando emittendoque aeri necessarium est, ne excogitari quidem, nedum esse potest modus ullus, quo alternus pulmonum motus exerceretur. Neque vero aures positas extra locum, cervicique adnatas existimare quis-

piam



piam potest deficientis utriusque organi vicarias successisse, quippe quæ inspicienti non ultra auditorium meatum apparerent patulæ, nihilque emittere visæ sint iis, quibus obtigit ipsius monstri vitam fidelibus oculis internoscere. Color etiam lividus extimam ejus partem inumbrans ejusmodi erat, qualis inficit exorientes ex intercepta anima. Quemadmodum porro & alii, qui aeri excipiendo per os, aut nares patent, cohibentes animam ad breve tempus in vita perstare possunt, ideo inde factum est, ut informe etiam animal, quo de agimus, respirationis expers vitam agere potuerit aliquandiu, quod fecisse ipsum auctor est mulierum puerperæ assidentium consensus, quæ mortem metuentes nimis proximam censuerunt hanc illico anteverteendam esse sacris lustralibus aquis ablumentibus. Etiam si autem veniat in mentem suspicari infantem hanc ex utero exiisse mortuam, non ideo tamen id, quod collegimus, convelli potest. Cum enim licet haud teres, incorrupta certe prodierit, indicio est vixisse ipsam paullo antea in materno hospitio. Suscepit ibi incrementum mediocre, & respiratione adjuvante nulla eodem ordine processit, & exiit, quo fetus alii; supervacaneum igitur omnino esse

\*\*\*

fet

set respirandi munus ipsis adjudicare. At enim: quod præter naturam accidit nihil commune habet cum iis, quæ secundum naturam sunt, proptereaque peculiaria monstrorum adjuncta non sunt rebus aliis apte compositis affingenda. Hæc qui in medium affert, si sibi consentire velit, & ea evertere, quæ ex descripto partu deducta sunt affirmet necesse est abnormem ejus structuram ab intercepta respiratione fuisse inductam; si enim hæc sublata nullam affer perturbationem, frustranea ideoque nulla habenda est. Ab ejus autem defectu derivare singula conformationis vitia, quæ in allata historia sunt enarrata, sollemnia est insanire. Momenta itaque rationum, quæ admittendam inculcant respirationem fetui in utero, sua sponte corruunt palmario oppositoque eventu labefactata. Stabunt ex adverso tamquam naturæ interpretes rationes omnes, quæ contrarium prædicant quæque ad trutinam revocata multum ponderis habere inveniuntur, vel non attentius nupera veritatis præmonstratione. Quin perfitemus singulas, satis est ad eam animum advertere, quæ foramini ovali dicto innititur. Cum enim in non natis detecta fuerit a sollertibus Anatomicis via quædam ab auricula cordis dextera prope supra orificium



ficiū dexteri ventriculi patens, ac pergens ad truncum venæ pulmonalis, idemque aditus in adultis penitus occludatur, merito inde deductum est factum fuisse a natura in fetibus rectum hunc sanguinis transitum a corde dextero ad lævum, ut difficultas progressus in interpositis aliis viis obeunda evitaretur. Porro interjacet sola pulmonalis arteria, ideoque ex hac oriretur obstaculum. At ingressui, processuique sanguinis arteria ipsa resistere valde potest ex sola adjecti visceris oppressione; lapsi igitur jugiter, nec unquam distenti aere pulmones fetuum dicendi sunt. Siquidem autem de ovali foramine facta mentio est, præstat animadvertere, licet natis animantibus statim evanescat eo, quia, ut strictim ac vere more suo inquit Boerhaavius institutionum medicarum parte prima, sectione de conceptu, simul ac fetus aeri exponitur aperit glottidem, thoracem dilatat, aerem admittit, pulmones in omnem mensuram explicat, vasa horum auget, resistantiam horum contra sanguinem arteriæ pulmonalis minuit, unde hic impetu in vasa libera irruit, canalem arteriosum præterlabitur, copiosus ac velox in venam pulmonalem ruit, valvulam foraminis ovalis premit, & foramen claudit; præstat in-

\*\*\*

quam



quam animadvertere foramen ipsum in humano hoc miro corpusculo etiam post exitum ex utero paruisse. Quamquam autem id incisione, uti fieri solet, ex defectu periti viri compertum non est, potest tamen certo certius ratiocinando colligi. Cum enim deesset undique aditus ingressuro aeri, nulla certe fieri potuit aereorum canalium dilatatio aut erectio, nullumque propterea obtigit arteriæ pulmonali levamen, a qua idcirco prohibitus ut antea sanguis rectum ire perrexit ad sinistram cordis partem. Demum ex intercepta respiratione persistuisse apertum foramen hoc inde quoque patet, quod in adultis ex sublata ducendi spiritus facultate mortuis referetur, quemadmodum in submersis reperiisse se non nemo affirmat. Atque hætenus illud attigimus, quod sub initio proposueramus, viam præmonstrante insolito naturæ opere, a quo pariter aliud aliquid edocemur ad physiologicam pertinens doctrinam. Factum adhærere matri per uterina vasa placentiæ adnexa, ex eaque in unicum quasi corpus assurgentia funiculum umbilicalem dictum, qui revere umbilico fetus infigitur, omnes norunt. Venam porro umbilicalem ad ipsum fetum deferre sanguinem nutritioni necessarium hæmorrhagia in abortu,

tu , partu , vulnere inflictō mulieri gravidæ, aliique successus diligenter animadversi docuere satis. At ejusmodi sanguinem usui eidem non inservire solum nonnulli putant, sed ultimis præsertim mensibus gestationis accedere lymphaticam nutritiam materiem in uterinis vasculis præparatam adeo subtilem factam, ut ex meatibus uteri in poros chorii agatur, in ejus vasis iterum mutetur, in amnii canaliculos abeat, ibi ulterius perficiatur, in cavum amnii instillet, indeque a fetu hauriatur ore, deglutiatunque; ac id affirmat etiam præfatus auctor ad eundem locum. Cum enim lymphaticum hoc fluidum revera existat, ac si soli vaginæ ductui lubricando inserviret, ut partus facilius fieret, perstaret otiosum diu, ideo alio etiam fungi munere putandum est. Fulcit opinionem hanc observatio accurata Friderici Hoffmanni, qui vidit infantem perfecte natum, etsi ejus umbilicalis funiculus putredine totus corruptus esset. Siquidem sublato sanguinis trajectu per ordinariam viam a maternis vasis ad fetum, nullo modo hic sospes ulterius esse potuisset, nisi aliunde nutrimentum aliquod accessisset. Quia vero præter sanguinem non alius humor penes uterum adest, nisi qui in ipsius vasis secernitur, merito hic etiam

\*\*\*\*\*

nu-



nutritioni fetus inservire existimatus est. Ad eam rem quoque facit deprehensus a clarissimo Petito funiculus humani fetus in medio nodulum habens iter affluxuro sanguini præpedientem, cum tamen nullum inde detrimentum ipsi fetui fuisset allatum. Denique Laurentius Heisterus Anatome comparativa edoctus ori, œsophago, ventriculo, & intestinis humanorum etiam fetuum inesse putat eam humoris lymphatici copiam, quæ cum ex secretione peculiari earundem partium minime derivari possit, a circumpositis membranis exprimi credenda sit, siquidem qualitates ejus toti fluido, cui fetus innatat, sunt affines. Hæc omnia, quæ tum ex experimentis illata, tum ex illustrium virorum placitis confirmata hætenus indubia visa sunt, recens monstrum infirmat, eademque increpat ut minus vera. Etenim ubi nullus aderat oris sinus, vel alius quispiam succenturiatus, nullum afferri poterat lymphaticum fluidum, proptereaque sanguis per umbilicalem funiculum trajectus nutritioni, non alio comite, satis erat. Porro quæ vitia infantem nuper editam deturparunt, embryonis rudimenta prima susceperunt, non autem perfecta fetus fabrica progressu temporis incomposite perturbata, ideoque infans



fans ipsa nunquam inhiavit externum liquidum, cujus expers cum ad maturitatem pervenerit, indicio est. unicum sanguinem aliunde allatum nutriendo fœtui esse necessarium. Præterea vero animadvertendum est insoliti hujusce partus magnitudinem mediocrem fuisse, neque ceteris minorem, adeo ut merito possit inde colligi ne prodesse quidem, nedum esse necessarium fluidum hoc, cujus defectus non officit enutriendo corpori. Quoniam autem id, quod neque necessitas efflagitat, neque utilitas postulat, ne latum quidem unguem efficiendis aut conservandis rebus infervit, ideo prædictus humor pro incolumitate fœtus in utero nullam præstare symbolum putandus esset, ne injurii videremur supremo naturæ consilio, cujus est nunquam moliri aliquid supervacuum. Sed quamquam novitatis amor absterret adeo animum ab iis omnibus, quæ terris semota, suisque temporibus defuncta videt, ut siquid habeant posterius inventa cum ipsis commune, prætervolare soleat tamquam insuave, attamen veritati studentes magis quam genio nihil linquamus intentatum, ut ea, quæ antea hac de re vere differebantur, toties memorati monstri adjunctis ad amussim respondeant. Operæ itaque pretium est attendere

\*\*\*\*\*

ani-

animo ad eas aquas, quæ partum præcurrunt ex abruptis membranulis profilientes, quasque puerpera insolitum enixa fetum tanta copia effudit, ut metum incuteret obstetrici, ne fetus ipse submergeretur, antequam erumperet; etenim nimia hæc aquarum emissio argumento esse potest plus æquo ipsas excrevisse ex retento alio fluido, cujus erat alium subire locum, qui tamen ex errore naturæ inaccessus factus coegerit ipsum in circumposito quasi vestibulo. Minor ex adverso aquarum copia, quæ partus alios antecedunt, evincere videtur non omne fluidum, quod in uterinis vasculis secernitur ac præparatur, in subjectis membranis amnios & chorion immorari, sed partem ejus non mediocrem apppositi fetus patulas subire vias, ibique usui esse non inopportuno. Veritati igitur hac in re satis erit factum, si lymphaticus ejusmodi humor latos canales fetus adire existimetur, vel ut nimia absit ab utero distensio, vel ut quidpiam aliud eveniat utile tantum, non vero necessarium, siquidem ipso carens mirabilis infans, ac solo sanguine per umbilicalem funiculum delato opem ferente nullum, quod ad nutritionem attinet, passa est sui corporis detrimentum. Tertium quoque est aliquid, quod ex hoc ipso eventu con-



confectarii loco colligimus, quodque coronidem imponet orationi. Qui actiones principes humani corporis tum utrique sexui communes, tum proprias & peculiare evolunt, & singularum causas internoscere conantur, versantes in iis, quæ ad conceptum & ortum attinent, multimodis investigarunt, cur inclusus utero fetus dato tempore in lucem prodeat. Misere questionem hanc absolvisse veteres dicendi sunt, qui cum comminiscerentur qualitates quasdam veluti administras corporis humani, in ipsis acquiescebant, indeque necessebant omnia. Licet id inter alios experiri apud Lazarum Riverium virum de morborum quidem historia tradita optime meritum, at in explicanda œconomia animalis minus accuratum, qui Physiologiæ suæ sectione septima, capite quinto, propterea fetum ex utero post certum tempus exire ait, quia postquam ibi idoneum incrementum affectus est, sufficiens alimentum non recipiens, & calorem habens majorem, qui aeris inspiratu indigeat, ut ventiletur, liberiores locum quærere incipit, & calcitrando membranas, quibus includitur, disrumpit, uterumque distendit, unde ille irritatus onus sibi molestum excludere nititur. Alii vero caloris qualitate non attenta partus necessitas

fitatem ab ipso utero derivant, qui cum ulterius dilatari nequeat, excrescenti fetui resistit, vique sua musculari ipsum detru-  
dit, & ejicit. Demum recentiores, qui non oscitanter investigationi rerum animum ap-  
pulerunt, acu rem attigisse putant, atque sub uno quasi aspectu posuisse id, quod hujusmodi difficultatem de medio tollit. Monent autem deglutiri jugiter a fetu hu-  
morem quemdam lymphaticum ex uteri-  
nis vasculis expressum per os, oesophagum, atque ventriculum ad ipsa usque intestina, & ad sphincterem recti detrusum, adeo ut novem mensium spatio fistula intestinalis repleatur omnis hujusmodi fæce, quæ me-  
conium audit. Quia vero materia hæc sem-  
per aucta, expellique impos mole, ponde-  
re, & acrimonia fetum torquet & urget, ideo sensu molestiæ excitato huc illucque vertitur fetus ipse irrequietis fibrarum mo-  
tibus, qui & ejus caput ad exitum accom-  
modant, & individuo consensu ipsi etiam matri tenesmus inferunt; qua pariter irri-  
tata, ejusque abdominalibus musculis inge-  
ti vi convulsis, stimulo, nixuque duplici in-  
ternum os uteri dilatatur, duplex involu-  
crum abrumpitur, contentæ aquæ exeunt, ac denique per laxatum, latioremq; fa-  
ctum vaginæ ductum ex aucto materno nixu



maturus infans extruditur. Hunc ipsum explicandi modum amplexus est etiam & tradidit neotericus instaurator medicinæ mechanicæ operum suorum parte alibi indicata, qui tamen humores etiam alios ex fecermentibus adjectis visceribus in intestinalem fistulam immitti putat, materiem ore haustam augentes, ejusque usui affine munus obeuntes. Sed næ incertum adhuc est ac dubium id, cujus difficultatis amotæ fides alicui subblandiebatur. Nam cum fetus hic mirabilis, de quo sæpe meminimus, meconium extis recipiens nullum ex defectu foraminum excipientium, non excitante propterea meconii stimulo, in lucem prodierit, inde sequitur aliam ab ea, quæ fingitur, causam esse partus. Siquidem rei alicujus ea dicitur esse necessaria causa, quæ dum agit vel intercluditur, res ipsa emergit vel intercipitur, & cujus intellectus adipiscendæ scientiæ interest ultra modum. Id ut affirmetur auctor est Aristoteles ratiocinii perficiendi magister optimus, qui libro primo, capite secundo posterioris resolutionis Ἐπίσασθαι οἰόμεθα ἕκαστον ἀπλῶς, ἀλλὰ μὴ τὸν σοφιστικὸν τρόπον, τὸν κατὰ συμβεβηκός, ὅταν τινὲς τ' αἰτίαν οἰώμεθα γινώσκειν, δι' ἣν τὸ πρᾶγμα ἐστίν, ὅτι ἐκείνῃ αἰτία ἐστὶ, καὶ μὴ ἐνδέχεσθαι τῷτ'.

ἀλ-

ἄλλως ἔχειν, Scire, inquit, rem quamque credimus non per accidens Sophistarum more, quoties causam propter quam res est, ipsius causam esse cognoscere putamus, & rem secus esse non posse. Igitur postremum illud, cujus causa latet absoluta, investigari potius, quam intellectum prædicari debet, idque non iniquo ferent animo ii, qui malunt innotuisse sibi rem vel incommodam, quam diutius esse in errore. Refelluntur sane ex uno hoc insolitoque naturæ opere opiniones eæ, quæ rerum abdita detexisse videbantur; sed raro fieri potest, ut figmenta hominum, quæ vel imaginatio exlex intulit, vel indiligens approbavit ratio, veritati postea prodeunti apprime congruant; quod ad cognoscendum satis in aperto est.

F I N I S.



# L E T T E R A

scritta dall' Autore della Dissertazione al Reverendissimo P. D. Giacomo Stellini pubblico Professore di Filosofia morale nell' Università di Padova.

*Reverendiss. Sig. Sig. Patron Col.*

**U**N feto straordinario nato nel paese, in cui ora io sono, mi ha invogliato di farne la storia, e penso di pubblicarla con le stampe, qualora siano legittime le conseguenze, che ne ho dedotte. Per accertarmi di questo, la trasmetto all' esame di V. S. R., come ho sempre fatto d' ogni mia cosa nel tempo ch' ebbi la fortuna di goder le di lei istruzioni. Attendo pertanto dall' ingenuità sua la decisione, e col maggior ossequio mi protesto

*Di V. S. Reverendiss.*

*Corbolone 25. Ottobre 1765.*

*Umil. Divot. Obblig. Servitore*  
*Sebastian Sebenico.*

## R I S P O S T A.

*Illustris. Sig. Sig. Patron Col.*

*I. Novembre 1765. Padova.*

**J***Eri l'altro mi fu data la sua Dissertazione. Scorrendola ho avuto il piacere di veder un autentico saggio dell'ingegno, e della dottrina sua. L'occasione di stenderla, che le si è presentata, è di quelle, che per la loro rarità debbono avidamente abbracciarsi. La singolarità del caso meritava d'essere registrata, e fatta nota a tutti gli studiosi della scienza, alla quale appartiene. La conseguenza immediata, ch'ella ne tira, non può essere più certa ed evidente. Tal è parimente quella della linfa nutrizia rigettata come non necessaria a nutrire il feto. Il Drak l'aveva già valorosamente combattuta del pari che dimostrata la comunicazione del sangue della madre col feto per mezzo delle vene del funicolo umbilicale dopo l'esperimento del Covupero, che gettando del mercurio nell'arteria uterina d'una vacca lo vide passare nelle vene umbilicali. La terza riguardo a quelli, che*



vogliono per la bocca nutrirsi il feto, è decisiva, ma per quelli, che lo vogliono nudrito del sangue della madre, il quale essendo più grosso di quello che convenga alla tenerezza del feto dee passando per esso depurarsi, e lasciare indietro delle parti inette alla nutrizione, forse non ha la stessa forza. Io mi congratulo con lei dell'opportunità, che ha avuta di esercitare il suo talento, e di farlo in modo, che le ne verrà dell'onore dalla parte degli amatori della Fisiologia, e della vera maniera di coltivarla, che è quella dell'osservazione. Ella segua a riguardarmi colla sua bontà solita, ed a credermi quale con tutta la stima me le rassegno

Divot. Obblig. Serv.  
Giacomo Stellini.

1. 10/10/1919 10/10/1919 10/10/1919  
2. 10/10/1919 10/10/1919 10/10/1919  
3. 10/10/1919 10/10/1919 10/10/1919  
4. 10/10/1919 10/10/1919 10/10/1919  
5. 10/10/1919 10/10/1919 10/10/1919  
6. 10/10/1919 10/10/1919 10/10/1919  
7. 10/10/1919 10/10/1919 10/10/1919  
8. 10/10/1919 10/10/1919 10/10/1919  
9. 10/10/1919 10/10/1919 10/10/1919  
10. 10/10/1919 10/10/1919 10/10/1919  
11. 10/10/1919 10/10/1919 10/10/1919  
12. 10/10/1919 10/10/1919 10/10/1919  
13. 10/10/1919 10/10/1919 10/10/1919  
14. 10/10/1919 10/10/1919 10/10/1919  
15. 10/10/1919 10/10/1919 10/10/1919  
16. 10/10/1919 10/10/1919 10/10/1919  
17. 10/10/1919 10/10/1919 10/10/1919  
18. 10/10/1919 10/10/1919 10/10/1919  
19. 10/10/1919 10/10/1919 10/10/1919  
20. 10/10/1919 10/10/1919 10/10/1919

10/10/1919 10/10/1919 10/10/1919